

Das Ander Buch

Item/ nimm Menschenblut/ eine Schüssel voll/ Saffran 1. Lot/
gebeuteltes Gerstenmehl/ vnd Brodt/ das mit guter Hefen gebacken
ist/ Ziegen Unschlie/ zulass es/ lass es vntereinander/ vnd mache
Küglein darauß/ binde eines an den Angel/ oder legs in die Reusen/ so
kommen viel Fische darcin.

Item/ im Meyen fenget man Barben mit weissen Molckens
dieben/ oder Fwursternen/ wenn man sie anquerdert/ darnach beiß
sen sie gerne.

Item Hechte mit Schloßangeln zu fangen: Denselben querdert
man einen goldgelben Frosch an/ darnach beißen sie auch gerne.
Item/ wenn man einen rohen Krebschwanz anquerdert/ so beißen
sonderlich Fohren/ Perschken/ vnd Weißfisch gerne an.

Item/ den Carpen querdert man Pfefferkuchen/ beißen gerne
darnach.

Item Fohren/ vnd Aischen mercklich zu fangen.

Nimm ein schwarz Huhn/ drey Eyerdotter/ Saffran einer Erb
sen groß/ mache ein loch in das Huhn/ stoß die genandten materien
alle drein/ vnd nehe das loch wieder zu/ legs darnach in Rosmilt/ 3.
oder 4. Wochen lang/ vnd so viel tage/ bis es faul wird/ so findestu
gelbe Würmlein darinnen/ derselbigen stecke allemal eines an den
Angel wenn du fischen willst. Die andern behalt in einem verschloß
senen Büchlein/ so wirstu wunder erfahren.

Wiltu aber die Würmlein ein ganz Jahr lebendig behalten/
so nimm Honig/ vnd Essig/ thue es in ein Pfännlein/ vnd seuds bis es
verschummet/ darnach nimm es herab/ vnd thue die Würmlein/ vnd
einer Bohnen groß bereiten Campfer drein.

Item